

**SATU KAEDAH SIRI FOURIER UNTUK PENYELESAIAN  
BERANGKA MASALAH RESAPAN TAK LINEAR**

Oleh

**BAHROM BIN SANUGI**

Jabatan Matematik,  
Fakulti Sains,  
Universiti Teknologi Malaysia  
Skudai, Johor Bahru.  
Malaysia.

**Abstrak.** Dalam kertas ini kami perkenalkan satu kaedah siri Fourier yang menurunkan persamaan pembeza separa tak linear yang muncul dalam masalah resapan kepada satu sistem persamaan pembeza biasa dengan syarat sempadan satu titik. Keputusan berangka yang diperolehi menunjukkan kaedah ini amat berkesan dalam mencapai kejituuan yang tinggi disebabkan ketiadaan ralat pendiskretan pada pembolehubah ruang.

**I. PENGENALAN**

Persamaan pembeza separa peringkat pertama muncul dalam analisis mengenai proses resapan dalam kimia fizik yang membabitkan kadar aliran bahan yang terserap serta cerun kepekatan yang menyebabkan alirannya. Ia juga muncul dalam perumusan aliran haba dalam satu bahan pepejal.

Pada umumnya wujud satu kelas persamaan tak linear berbentuk

$$a \frac{\partial u}{\partial t} + b \frac{\partial u}{\partial x} = f(x, t) \quad (1.1)$$

dengan  $a$ ,  $b$  dan  $f$  bukan sahaja fungsi bagi  $x$  dan  $t$  tetapi juga fungsi bagi  $u$ . Persamaan seperti ini memang telah lama diselidiki. Sebagai contoh ahli matematik Perancis yang terkenal dalam abad ke-18, iaitu Joseph-Louis Lagrange, telah merumuskan penyelesaiannya.

Penyelesaian am persamaan ini ialah  $F(\xi, \eta) = 0$  dengan  $F$  suatu fungsi sebarang bagi dua pembolehubah  $\xi$  dan  $\eta$  dan  $\xi(x,t,u) = c_1$  dan  $\eta(x,t,u) = c_2$  membentuk penyelesaian satu sistem persamaan pembeza biasa serentak yang dinyatakan dengan menyamakan

$$\frac{dx}{a} = \frac{dt}{b} = \frac{du}{f} \quad (1.2)$$

dengan  $a \neq 0$ ,  $b \neq 0$ ,  $f \neq 0$

Masalah menyelesaikan persamaan tak linear peringkat pertama yang lebih umum berbentuk

$$f(x,t,u,u_x,u_t) = 0 \quad (1.3)$$

dengan fungsi  $f$  tak linear dalam  $u_x$  dan  $u_t$  adalah lebih sukar lagi. Penyelesaian beranalisis biasanya sukar untuk dilaksanakan. Namun demikian beberapa bentuk tertentu persamaan pembeza separa seperti

$$f(u_x, u_t) = 0 \quad (1.4)$$

$$f(u, u_x, u_t) = 0 \quad (1.5)$$

atau persamaan boleh pisah berbentuk

$$f(x, u_x) = g(t, u_t) \quad (1.6)$$

boleh diselesaikan lebih mudah lagi dengan menggunakan kaedah-kaedah khas dengan menentukan kamiran lengkap atau menentukan  $u$  dari persamaan

$$du = u_x dx + u_t dt \quad (1.7)$$

Dalam kertas ini kita akan tumpukan perhatian kita kepada masalah resapan tak linear berbentuk

$$\frac{\partial u}{\partial t} + u \frac{\partial u}{\partial x} = f(x, t) \quad (1.8)$$

dengan ciri-ciri:

1.  $f(x, t)$  dapat dinyatakan dalam bentuk

$$f(x, t) = \frac{1}{2} p_0(t) + \sum_{r=1}^N \left[ p_r(t) \cos\left(\frac{2\pi r x}{L}\right) + q_r(t) \sin\left(\frac{2\pi r x}{L}\right) \right] \quad (1.9)$$

dengan  $L$  suatu nombor nyata dan  $N$  suatu integer positif serta  $p_r$  dan  $q_r$  adalah koefisien yang merupakan fungsi bagi  $t$ .

2. pada  $t = 0$ ,  $u(x, t)$  dapat dinyatakan sebagai

$$u(x, 0) = \frac{1}{2} k_0 + \sum_{r=1}^M \left[ k_r \cos\left(\frac{2\pi r x}{L}\right) + m_r \sin\left(\frac{2\pi r x}{L}\right) \right] \quad (1.10)$$

dengan  $k_r$ ,  $m_r$  adalah pemalar dan  $M$  suatu integer positif.

3.  $u(x, t)$  adalah berulang dengan tempoh  $L$  dalam pembolehubah ruang.

Syarat terakhir ini memberi implikasi bahawa kita hanya perlu menentukan penyelesaian untuk  $0 \leq x \leq L$ ,  $t > 0$

## II. PENURUNAN KEPADA BENTUK PPB

Misalkan wujud penyelesaian kepada persamaan (1.8) berbentuk

$$u(x, t) = \frac{1}{2} f_0(t) + \sum_{r=1}^{\infty} [f_r(t) \cos\left(\frac{2\pi r x}{L}\right) + g_r(t) \sin\left(\frac{2\pi r x}{L}\right)] \quad (2.1)$$

Fungsi ini akan memenuhi syarat awal (1.10) jika

74

$$f_r(0) = \begin{cases} k_r, & r = 0, 1, \dots, M \\ 0, & r > M \end{cases}$$

$$g_r(0) = \begin{cases} k_r, & r = 1, 2, \dots, M \\ 0, & r > M \end{cases} \quad (2.2)$$

Dengan membezakan (2.1) terhadap  $t$  dan  $x$ , kita perolehi

$$\frac{\partial u}{\partial t} = \frac{1}{2} f_0'(t) + \sum_{r=1}^{\infty} [f_r'(t) \cos(\frac{2\pi rx}{L}) + g_r'(t) \sin(\frac{2\pi rx}{L})]$$

$$\frac{\partial u}{\partial x} = \sum_{r=1}^{\infty} [(-\frac{2\pi r}{L}) f_r(t) \sin(\frac{2\pi rx}{L}) + (\frac{2\pi r}{L}) g_r(t) \cos(\frac{2\pi rx}{L})]$$

Katakanlah hasil darab  $(u)(\frac{\partial u}{\partial x})$  boleh ditulis dalam bentuk siri Taylor seperti beri

$$(u)(u_x) = \frac{1}{2} a_0 + \sum_{r=1}^{\infty} [a_r \cos(\frac{2\pi rx}{L}) + b_r \sin(\frac{2\pi rx}{L})]$$

dengan  $a_r$  dan  $b_r$  dikaitkan kepada  $f_r$  dan  $g_r$  dalam suatu bentuk tertentu.

Untuk mendapat perkaitan ini, kita gunakan kaedah pengiraan bersimbol.

Mula-mula kita takrifkan pengoperasi yang berikut :

$$c(r) = \cos\left(\frac{2\pi rx}{L}\right)$$

$$s(r) = \sin\left(\frac{2\pi rx}{L}\right)$$

$$f(r) = f_r(t)$$

$$g(r) = g_r(t)$$

$$z(r) = \frac{2\pi r}{L}$$

Dengan yang demikian  $u$  dan  $u_x$  dapat ditulis sebagai

$$u = \frac{1}{2} f_0 + \sum_{r=1}^{\infty} [f(r) c(r) + g(r) s(r)]$$

$$u_x = \sum_{r=1}^{\infty} [-z(r) f(r) s(r) + z(r) g(r) c(r)]$$

Dengan pendarapan kita perolehi

$$(u)(u_x) = \left\{ \frac{1}{2} f_0 + \sum_{r=1}^{\infty} [f(r) c(r) + g(r) s(r)] \right\}$$

$$\left\{ \sum_{r=1}^{\infty} [-z(r) f(r) s(r) + z(r) g(r) c(r)] \right\} \quad (2.3)$$

Pendarapan ini dilakukan dengan menggunakan pakej pengiraan bersimbol REDUCE untuk memberikan bentuk

$$\frac{1}{2} a_0 + \sum_{r=1}^{\infty} [a_r \cos\left(\frac{2\pi rx}{L}\right) + b_r \sin\left(\frac{2\pi rx}{L}\right)]$$

Satu contoh hasil yang diperolehi dengan menggunakan  $f_r$  dan  $g_r$  untuk  $r$  tidak melebihi 4 ialah

$$a_0 = 0$$

$$a_1 = \frac{1}{2} (f_0 g_1 + f_1 g_2 - f_2 g_1 + f_2 g_3 - f_3 g_2 + f_3 g_4 - f_4 g_3)$$

$$a_2 = \frac{1}{2} (2f_0 g_2 + 2f_1 g_1 + 2f_1 g_3 + 2f_2 g_4 - 2f_3 g_1 - 2f_3 g_3)$$

$$a_3 = \frac{1}{2} (3f_0 g_3 + 3f_1 g_2 + 3f_1 g_4 + 3f_2 g_1 - 3f_4 g_1)$$

$$a_4 = \frac{1}{2} (4f_0 g_4 + 4f_1 g_3 + 4f_2 g_2 + 4f_3 g_1)$$

$$a_5 = \frac{1}{2} (5f_1 g_4 + 5f_2 g_3 + 5f_3 g_2 + 5f_4 g_1)$$

⋮

$$b_1 = \frac{1}{2} (-f_0 f_1 - f_1 f_2 - f_2 f_3 - f_3 f_4 - g_1 g_2 - g_2 g_3 - g_3 g_4)$$

$$b_2 = \frac{1}{2} (-2f_0f_2 - f_1^2 - 2f_1f_3 - 2f_2f_4 + g_1^2 - 2g_2g_3 - 2g_2g_4)$$

$$b_3 = \frac{1}{2} (-3f_0f_3 - 3f_1f_2 - 3f_1f_3 - 3f_1f_4 + 3g_1g_2 - 3g_1g_4)$$

$$b_4 = \frac{1}{2} (-4f_0f_4 - 4f_1f_3 - 2f_2^2 + 4g_1g_3 + 2g_2^2)$$

$$b_5 = \frac{1}{2} (-5f_1f_4 - 5f_2f_3 + 5g_1g_4 + 5g_2g_3)$$

Dengan menggantikan sebutan-sebutan yang sesuai ke dalam persamaan (1.8) kita perolehi

$$\begin{aligned} & \frac{1}{2} f'_0(t) + \sum_{r=1}^{\infty} \left[ f'_r(t) \cos\left(\frac{2\pi rx}{L}\right) + g'_r(t) \sin\left(\frac{2\pi rx}{L}\right) \right] + \frac{1}{2} a_0(t) \\ & + \sum_{r=1}^{\infty} \left[ a_r(t) \cos\left(\frac{2\pi rx}{L}\right) + b_r(t) \sin\left(\frac{2\pi rx}{L}\right) \right] \quad (2.4) \\ & = \frac{1}{2} p_0(t) + \sum_{r=1}^N \left[ p_r(t) \cos\left(\frac{2\pi rx}{L}\right) + q_r(t) \sin\left(\frac{2\pi rx}{L}\right) \right] \end{aligned}$$

Dengan menyamakan koefisien kita perolehi

$$\begin{aligned} \frac{1}{2} f'_0(t) + \frac{1}{2} a_0(t) &= \frac{1}{2} p_0(t) \\ f'_r(t) + a_r(t) &= p_r(t) \\ g'_r(t) + b_r(t) &= q_r(t) \quad \left. \right\} r = 1, 2, \dots, \gamma = \text{maks}(M, N) \quad (2.5) \end{aligned}$$

Tidak seperti strategi yang dikemukakan oleh Forrington [4], sistem ppb ini belum lagi mencukupi untuk mewakili pps yang asal. Ini kerana  $a_r$  dan  $b_r$  adalah juga fungsi  $f_i$  dan  $g_i$  untuk  $i < r$ . Bagi kes  $r > M$ , kuantiti  $a_r$  dan  $b_r$  perlu mengandungi  $f_i$  dan  $g_i$  dengan  $i < M$  sebagai faktor. Dengan demikian, memandangkan kepada syarat awal adalah kesemuanya sifar untuk  $r > M$ , maka seperti yang dicadangkan oleh Bahrom [1] dua persamaan tambahan berikut adalah memadai untuk membentuk satu sistem ppb yang mewakili (1.8).

$$\left. \begin{array}{l} f_r'(t) + a_r(t) = 0 \\ g_r'(t) + b_r(t) = 0 \end{array} \right\} r = \gamma + 1, \gamma + 2, \dots, 2M \quad (2.6)$$

Untuk  $r > 2M$  persamaan pembezanya adalah berbentuk

$$\left. \begin{array}{l} \frac{df_r}{dt} = 0, f_r(0) = 0 \\ \frac{dg_r}{dt} = 0, g_r(0) = 0 \end{array} \right\} r > 2M$$

yang mempunyai penyelesaian

$$f_r(t) \equiv 0, g_r(t) \equiv 0$$

Dengan demikian, pps asal telah dijelma menjadi sebilangan ppb finit (2.5) dan (2.6) dengan syarat awal (2.2).

### III SATU CONTOH BERANGKA

Sekarang mariyah kita perhatikan penyelesaian masalah

$$\frac{\partial u}{\partial t} + u \frac{\partial u}{\partial x} = \cos(x+t) + \frac{1}{2} \sin 2(x+t) \quad (3.1)$$

dengan syarat awal  $u(x,0) = \sin x$ . Penyelesaian tepat masalah ini diberi oleh

$$u(x,t) = \sin(x+t)$$

Perhatikan dalam contoh ini fungsi di sebelah kanan persamaan (1.8) diberikan oleh

$$\begin{aligned} f(x,t) &= \cos(x+t) + \frac{1}{2} \sin 2(x+t) \\ &= \cos x \cos t - \sin x \sin t \\ &\quad + \frac{1}{2} (\sin 2x \cos 2t + \cos 2x \sin 2t) \\ &= \sum_{r=1}^{\infty} [p_r \cos rx + q_r \sin rx] \end{aligned} \quad (3.2)$$

78  
dengan

$$\begin{aligned} p_0 &= 0 \\ p_1 &= \cos t, \\ q_1 &= -\sin t, \\ p_2 &= \frac{1}{2} \sin 2t, \\ q_2 &= \frac{1}{2} \cos 2t, \end{aligned}$$

$$\text{Baki} = 0, N = 2$$

Pada  $t = 0$ ,  $u(x,0) = \sin x$ . Ini bermakna  $k_0 = 0$ ,  $k_1 = 0$ ,  $k_2 = 0$ , ..., dan  $m_1 = 1$ ,  $m_2 = 0$ , ..., iaitu  $M = 1$ . Seterusnya  $\gamma = \max(M,N) = 2$ . Dengan demikian set ppb yang mewakili masalah asal diberikan oleh

$$\begin{aligned} f'_0(t) + a_0 &= p_0(t), & f_0(0) &= 0 \\ f'_1(t) + a_1 &= p_1(t), & f_1(0) &= 0 \\ g'_1(t) + b_1 &= q_1(t), & g_1(0) &= 1 \\ f'_2(t) + a_2 &= p_2(t), & f_2(0) &= 0 \\ g'_2(t) + b_2 &= q_2(t), & g_2(0) &= 0 \end{aligned} \tag{3.3}$$

dengan

$$a_0 = 0$$

$$a_1 = \frac{1}{2}(f_0g_1 + f_1g_2 - f_2g_1)$$

$$a_2 = f_0g_2 + f_1g_1$$

dan

$$b_1 = \frac{1}{2}(-f_0f_1 - f_1f_2 - g_1g_2)$$

$$b_2 = \frac{1}{2}(-2f_0f_1 - f_1^2 + g_1^2)$$

oleh kerana  $f_0(t) = 0$  dari persamaan yang pertama, maka sistem ppb itu terturun menjadi

$$y'_1 = \cos t - a_1, \quad y_1(0) = 0$$

$$y'_2 = \sin t - b_1, \quad y_2(0) = 1$$

(3.4)

$$y'_3 = \frac{1}{2} \sin 2t - a_2, \quad y_3(0) = 0$$

$$y'_4 = \frac{1}{2} \cos 2t - b_2, \quad y_4(0) = 0$$

$$a_1 = \frac{1}{2} (y_1 y_4 - y_3 y_2)$$

$$a_2 = y_1 y_2$$

$$b_1 = \frac{1}{2} (-y_1 y_3 - y_2 y_4)$$

$$b_2 = \frac{1}{2} (-y_1^2 + y_2^2)$$

dan pembolehubah tak bersandar  $y_1, y_2, y_3, y_4$  digunakan masing-masing untuk menggantikan  $f_1, g_1, f_2, g_2$ . Sistem (3.4) seterusnya diselesaikan dengan menggunakan perisian NAG rutin DO2BBF (Kaedah Runge - Kutta Merson) dalam rantau  $0 \leq x \leq 2\pi, 0 \leq t \leq 10$ . Ralat pada penyelesaiannya ditunjukkan dalam Jadual 1. Perhatikan ralat ini terletak dalam bendungan angka toleransi kejituhan  $\epsilon = 10^{-7}$ . Ini menunjukkan bahawa ralat ini hanyalah disebabkan oleh pendiskretan pada arah  $t$  sahaja dan tanya adalah dalam kawalan kita.

Jadual 1 : Ralat dalam penyelesaian berangka masalah resapan tak linear dengan  $dx = 0.5\pi, \epsilon = 10^{-7}$

$t$	$x=0.0$	$x=0.5\pi$	$x=\pi$	$x=1.5\pi$	$x=2\pi$
0.0	0.000E+00	0.000E+00	0.000E+00	0.000E+00	0.000E+00
1.0	-0.637E-07	0.368E-07	-0.382E-07	0.650E-07	-0.637E-07
2.0	-0.461E-07	0.109E-07	-0.344E-07	0.696E-07	-0.461E-07
3.0	0.455E-07	-0.657E-07	0.447E-07	-0.245E-07	0.455E-07
4.0	-0.198E-07	0.807E-08	0.731E-08	0.442E-08	-0.198E-07
5.0	-0.677E-07	-0.462E-07	-0.172E-08	0.232E-07	-0.677E-07
6.0	0.372E-07	-0.611E-07	0.965E-07	-0.726E-07	0.372E-07
7.0	0.495E-07	-0.477E-07	0.587E-07	-0.605E-07	0.495E-07
8.0	0.561E-07	0.257E-07	-0.182E-07	-0.131E-07	0.565E-08
9.0	0.514E-07	-0.220E-07	0.448E-07	-0.743E-07	0.514E-07
10.0	0.282E-07	-0.226E-07	0.446E-07	-0.503E-07	0.282E-07

#### IV KESIMPULAN

Analisis ini telah menjelaskan bagaimana suatu masalah khas resapan dengan ciri penyelesaian berulang pada arah pembolehubah ruang telah dapat diturunkan menjadi satu sistem persamaan pembeza biasa tanpa memasukkan ralat pendiskretan pada arah pemecahan tersebut. Penggunaan kaedah ini untuk menyelesaikan persamaan Burgers ada diberikan dalam Evans dan Sanugi [3]. Pada umumnya kaedah ini akan dapat dijalankan bagi menyelesaikan sebarang masalah tak linear berbentuk lain yang timbul dalam perumusan masalah resapan dengan penyelesaian berulang. Adalah diharapkan satu perisian jalan sendiri yang mengambil kira pemecahan berautomatik akan dapat dibina dan dijalankan untuk mengambil peluang sifat penurunannya yang mudah ini.

#### RUJUKAN

- [1] Bahrom Sanugi, "New Numerical Strategies for Initial Value Type Ordinary Differential Equations," *Thesis Ph.D, Loughborough University of Technology*, 1986.
- [2] Bahrom Sanugi, A Fourier Series Method for the Numerical Solution of a Class of Parabolic PDE of the Form  $u_t = a(u_x)^2 + bu_{xx} + f(x,t)$ , *Laporan Teknik M/LT No. 1, Jabatan Matematik, UTM*, 1987.
- [3] Evans, D.J. and Bahrom Sanugi, A Fourier series method for the numerical solution of Burgers equation, *Intern. J. Computer Math.* **27** (1989), 219 - 222.
- [4] Forrington, C.V.D., A Fourier series method for the numerical solution of a class of parabolic partial differential equations, *C.A.C.M. 7* (1964), 179 - 181.